

ՄԻՆԱՍ ԽԱՆՐԱՆԿԱՐՁԻ ԳԵՂԱՐՎԵՍՏԱԿԱՆ ԺԱՌԱՆԳՈՒԹՅՈՒՆԸ  
ԷՊԻԱ ՎԱՐԴԱՆՅԱՆ

XIV դարից ձևավորվող Վասպուրականի մանրանկարչությունը մասնագիտական գրականության մեջ ներկայացված է մի քանի խոշոր դպրոցներով, որոնք առանձնանում են հիմնականում կատարողական-ոճական, որոշ դեպքերում նաև՝ պատկերագրական առանձնահատկություններով: Խոշոր կենտրոններ էին Արճեշը, Բերկրին, Աղթամարը, Խիզանը, Բազեշը, Ոստանը: XIV դարի երկրորդ կեսից աշխուժացան Վանա լճի ավազանի հյուսիսում և արևելքում գտնվող գրչության կենտրոնները, որոնք Սիրարփի Տեր-Ներսեսյանը պայմանականորեն անվանում է «Վանի» դպրոց<sup>1</sup>: Դպրոցների ոճական բնութագրի համար մեծ էր առանձին անհատականությունների դերը:

Վասպուրականի մանրանկարչությունը նոր փուլ թևակոխեց XV դարի կեսին, երբ հանդես եկան մի շարք առաջնակարգ վարպետներ: Նրանց աշխատանքները ոճական առումով տարբերվում էին նախորդ շրջանի մանրանկարչների դործերից: Այժմ իրենց ոճը բնորոշվում էր որոշակի հեռացմամբ նախորդների գծային ոճավորումներից և գույների դեկորատիվ օգտագործումից: Այդ նոր շրջանի վարպետներից է Մինաս ծաղկողը՝ Վասպուրականի XV դարի արվեստի խոշոր ներկայացուցիչներից մեկը, որի ստեղծագործությունը թույլ է տալիս դասել նրան «պրոֆեսիոնալ» նկարիչների շարքը<sup>2</sup>:

Մինասը բազմիցս հիշատակվել է որպես Վասպուրականի մանրանկարչության խոշոր ներկայացուցիչ: Չնայած դրան, նրա ստեղծագործությունը քիչ է ուսումնասիրված և արժանի է ավելի մեծ ուշադրության:

Մինասի մասին տեղեկությունները շատ շքեղ: Իր արգասավոր ստեղծագործական կյանքը (եինելով մեզ հասած թվագրված ձեռագրերից) ընդգրկում է 1432—1483 թթ.: Հայտնի է, որ նա եղել է Մեծոփավանքի գրչության դպրոցի սանր<sup>3</sup>: Մեծոփավանքը Վասպուրականի մշակութային խոշոր կենտրոն էր, որի դերը հատկապես նշանակալի դարձավ XV դարի սկզբին, Թովմա Մեծոփեցու բաբունապետության օրոք: Հայտնի պատմիչ, մանկավարժ, մշակութային գործիչ Թովմա Մեծոփեցին, լինելով Մեծոփավանքի առաջնորդ և բաբունապետ, իր ջանքերով ստեղծեց այստեղ գրչության խոշոր կենտրոն, ուր ուսուցանվում էր գրչության արվեստը, գիտությունները, ստեղծվում էին դասագրքեր, արվում էին մեկնություններ և, վերջապես, ընդօրինակվում, նկարագրվում և կազմվում էին բազմաթիվ ձեռագիր մատյաններ<sup>4</sup>: «...Քանզի յայսմ վերջին ժամանակիս սա միայն յայտնեցաւ ճշմարիտ քարոզող ազգիս Հայոց և պարծանք ամենաւն վարդապետաց և կրօնաւորաց: Վասն զի առնէր և ուսուցանէր ամենեցուն գործութիւն և զառաքինութիւն, քանզի արեգակն էր բերան սորա և լուս փալէր ի պրակաց բանիցն, ու շուրջ էին զնովաւ»,— գրում է Մե-

1 S. Der Nersessian. The Chester Beatty Library. A Catalogue of the Armenian Manuscripts. Dublin. 1958. p. 33.

2 Հ. Հակոբյան. Ձեռագիր մատյանների պատկերագրողման արվեստը Վասպուրականում. Երևան, 1997, էջ 114:

3 Ա. Մաթևոսյան. Մեծոփավանքի գրչության կենտրոնը (ԺԲ—ԺԾ դդ.). էջմիածին, 1997, էջ 158—161:

4 Ա. Մաթևոսյան. Մեծոփավանքի գրչության կենտրոնը: Գ. Հովսեփյան. Թովմա Մեծոփեցու կյանքը. Վաղարշապատ, 1914:

ծոփեցու աշակերտ Կարապետ գրիչը<sup>5</sup>: Մինասի ուսուցիչներն են եղել Թովմա Մեծոփեցին և Մկրտիչ Օրբելյանցը՝ Տեր Հուսկան որդու վանքի առաջնորդը:

Ձեռագրերի հիշատակարաններում Մկրտիչ վարդապետը հիշատակվում է որպես Մինասի ուսուցիչը և հոգևոր հայրը: Թովմա Մեծոփեցու հետ միասին նա ուսանել է Խառաբասապանքի վարդապետարանում, աշակերտելով Սարգիս Ապրակունեցուն և Վարդան Հոգոցվանեցուն: Եղել է Մովմա Մեծոփեցու դասընկերը և համախոհը, «հարազատ» և «զսիրելի եղբայրն»<sup>6</sup>: Երկուսն էլ սովորել են Տաթևի համալսարանում Գրիգոր Տաթևացու մոտ, երկուսն էլ եղել են 1441 թ. էջմիածնի Ազգային ժողովի մասնակիցների թվում<sup>7</sup>: 1418—1439 թթ. Մկրտիչ «տիևղերալոյս», «աստուածիմաստ» վարդապետը եղել է Բերկրիի Տեր Հուսկան որդու վանքի վանահայր և առաջնորդը, պատրաստել է գրիչներ, ունեցել է մեծաթիվ աշակերտներ: Երա հանձնարարությամբ Տեր Հուսկան որդի անապատում գրվել են բազմաթիվ ձեռագրեր:

Նկարչի ուսուցիչները հաճախ հիշատակվում են իր նկարազարդած ձեռագրերի հիշատակարաններում. «(...) Եւ դարձեալ աղաչեմ յիշել յաղալթս ձեր զտէր Մինաս քաջ նկարողն, որ յար եւ նման է Բերսելիելի հոգիւնկալ առաջին նկարողին տապանակին, եւ է յաշակերտաց սուրբ վարդապետացն Թումային եւ Մկրտիչ Աւբեկենց վարդապետին եւ է բանիբուն եւ հոգիւնկալ որպես զվարդապետքն իւր...»<sup>8</sup>:

Ձեռագրերի հիշատակարաններից հայտնի են նաև Մինասի ծնողների անունները. հայրը՝ Մաղթումն է, մայրը՝ Սարմելիքը: Մինասի ծնողներին, նաև իր Խութլու-Մելիք անունով քրոջը և իր որդուն՝ Հակոբ Կրոնավորին, հիշատակում է Խաչատուր գրիչը 1456 թ. Ավետարանի հիշատակարանում<sup>9</sup> և 1462 թ. Հայամավուրբում<sup>10</sup>, իսկ գրիչ Գրիգոր Աթաբեկենցը 1466 թ. Ավետարանում<sup>11</sup>:

Արվեստաբանական գրականության մեջ Մինաս ծաղկողը առաջին անգամ հիշատակվում է Ժ. Տիկանենի «Հայկական երեք նկարազարդ ձեռագրեր» հոդվածում<sup>12</sup>, Այն նվիրված է մասնավոր մի հավաքածուի երեք հայկական ձեռագրերին, որոնցից մեկը 1469 թ. Արձեշում Մինասի նկարազարդած Ավետարանն է<sup>13</sup>: Հոդվածում խնդրո առարկան միջնադարի արվեստի համընդհանուր խնդիրներն են, ինչպես նաև արևելքի և արևմուտքի արվեստի կապը և փոխադրեցությունը: Չնայած Մինասի արվեստը առանձին ուսումնասիրության նյութ չի հանդիսանում այստեղ, այնուամենայնիվ, նկարչի անունը գրվում է գրիտական շրջանառության մեջ:

Այնուհետև Ֆ. Մաքլերը իր Հայկական մանրանկարչություն ժողովածուում նկարագրում է Մինասի մեկ այլ ձեռագիր՝ Փարիզի Ազգային գրադարանում գտնվող 1456 թ. Ավետարանը (հմր. 18), հրապարակելով հիշատակարանի հատվածների ֆրանսերեն թարգմանությունը և Տերունական շարքի բոլոր մանրանկարների վերատպությունները<sup>14</sup>:

5 Տե՛ս Գ. Փիրղալեմյան. Նոտարք Հայոց. Կ. Պոլիս, 1883, էջ 111—112:

6 Ժն դարի հայերեն ձեռագրերի հիշատակարաններ. մաս Ա, կազմող՝ Լ. Խաչիկյան. Երեւան, 1955, էջ 134:

7 Մ. Օրմանյան. Ազգապատում. Պեյրուս, 1960, էջ 2106 (1453):

8 Փարիզի Ազգային գրադարան, հմր. 18, էջ 310ա:

9 Նույն տեղում, էջ 311ա. տե՛ս նաև R. H. Kévorkian, A. Ter-Stepanian, Manuscrits arméniens de la Bibliothèque Nationale de France. Catalogue. Paris, 1998, p. 26—30:

10 Մաշտոցի անվան Մատենադարան (այսուհետև՝ Մատ.), ձեռ. 4883, էջ 613բ:

11 Մատ., ձեռ. 9858, էջ 363բ:

12 J. J. Tikkanen. Tre armeniska miniatyrhandskrifter. Helsingfors, 1899. Ջերմորեն շնորհակալություն եմ հայանում Լ. Չուրապյանին այդ աշխատությունը ծանոթանալու ներավորության համար:

13 Երուսաղեմ, Ս. Հակոբյանց Մատենադարան (այսուհետև՝ Երուսաղեմ), հմր. 3427:

14 F. Macler. Miniatures Armeniennes, Vie du Christ. Peintures ornementales. X au XVII<sup>e</sup> siècle, Paris, 1913, էջ 20—21, տախտակ XVI—XIX.

Հարություն Քյուրտյանը, ունենալով հայկական ձեռագրերի անձնական հավաքածու, 1970 թ. «Սիոն» ամսագրում հոդված է նվիրում ձեռագրերից մեկին<sup>15</sup>, որը նկարագրող է Մինասը: Ավարտելով հոդվածի բուն նյութը, հեղինակը ուշադրության է արժանացնում նաև նկարչին, նրա գործունեությունը, թվարկում է Մինասի իրեն հայտնի կենսագրական տվյալները, նրա ծննդյան թիվը առաջարկելով 1417 թ.: Այնուհետև հեղինակը բերում է 25 նկարագրած ձեռագրերի ցանկ, ուր սակայն նկատվում են որոշ անճշտություններ: Այսպես, փարիզյան ձեռագիրը թվագրված է 1455 թ., իսկ 1469 թթ. (Երուսաղեմ 3427) Ավետարանը՝ 1479 թ. և վերագրվում է Երևանի Մատենադարանի հավաքածուին, 1455 թ. Ավետարանի (Երուսաղեմ 3815) համարը 3427 է, 1441 թ. Ավետարանի (Մատ 3892) գրչությունը վերագրվում է Թովմա Մեծոփեցի վարդապետին և, վերջապես, Մինասի գործն է համարվում Բոստոնի հանրային գրադարանում գտնվող ձեռագիրը<sup>16</sup>, որը հոդվածի հեղինակի խոսքերով «անտարակույս կերպով ծաղկված է Մինաս ծաղկողն»:

Մինասի ստեղծագործություններ անգրագրած է նաև Նորայր Լպիսկոպոս Պողարյանը (Ն. Մովսէսյան): Նախ, նա հոդված է նվիրում 1455 թ. նկարագրված Ավետարանին<sup>17</sup>: Այնուհետև, հեղինակը հրապարակում է «Մինաս կրոնավոր նկարող. (1415—1490)» հոդվածը, ուր կենսագրական տեղեկություններ է հաղորդում նկարչի մասին և թվարկում է իրեն հայտնի 29 ձեռագիր<sup>18</sup>: Որոշ անճշտություններից բացի, ցուցակի մեջ չեն մտել Մինասի ձեռագրերից շատերը: Հետևելով Հ. Քյուրտյանին, Ն. Պողարյանը իր ցուցակի մեջ ընդգրկել է նաև Բոստոնի հանրային գրադարանի ձեռագիրը, 1464 թ. Ավետարանը<sup>19</sup> թվագրված է 1451 թ., 1441 թ. Ավետարանի<sup>20</sup> գրչությունը վերագրվում է Թովմա Մեծոփեցի վարդապետին:

Այնուհետև Ն. Պողարյանը իրականացնում է «Հայ նկարողներ. ԺԱ—ԺԷ դարեր» ծավալուն աշխատությունը, ուր Մինասին նվիրված հոդվածում ներկայացված են նկարչի ութ առավել հիշարժան ձեռագրեր<sup>21</sup>:

Սիրարփի Տեր Ներսեսյանը 1951 թ. «Սիոն» ամսագրում տպագրում է «Մինաս նկարող և իր ծաղկած նկարները» հոդվածը<sup>22</sup>, որի հրապարակման առիթը հանդիսացավ Ն. Պողարյանի վերահիշյալ հոդվածը (Ժան. 17): Խոսելով Մինասի ընդհանուր ստեղծագործության մասին, հեղինակը կանգ է առնում իրեն հայտնի 5 ձեռագրերի վրա: Այդ հոդվածից զատ, հայ արվեստին նվիրված իր մեծածավալ աշխատություններում Ս. Տեր Ներսեսյանը բազմիցս հիշատակում է Մինաս ծաղկողին՝ որպես Վասպուրականի մանրանկարչության «Վանի» դրպորոցի արտահայտված ներկայացուցիչ:

Գիտնականի ուշադրությունից չի վրիպել և Բոստոնի հանրային գրադարանի հմր. 1327 ձեռագիրը, որի նկարագրողումը Հ. Քյուրտյանը վերագրում է Մինասին: Ս. Տեր Ներսեսյանը քննում է այն առանձին հոդվածով, գրված

15 Հ. Քյուրտյան. Առաքել Վրդ. Դավրիժեցիի գործածած մեկ հիշատակարանը և հարակից նյութեր.— «Սիոն», 1970, հուլիս—օգոստոս, էջ 313—321:

16 Boston Public Library, 1327.

17 Երուսաղեմ, 3815: Ն. Պողարյան. Վսեմ Տիար Գալուստ Գյուրբենկյանի թանկագին մեկ նվիր.— «Սիոն», 1950, էջ 234—236:

18 «Սիոն», 1971, հուլիս—օգոստոս, էջ 234—236:

19 Լալայան 216:

20 Մատ, 3892:

21 Այն նախ պարբերաբար տպագրվում է «Սիոն» ամսագրում (Մինասին վերաբերող հատվածը տե՛ս 1987, մայիս—հունիս—հուլիս, էջ 146—147), իսկ այնուհետև լույս է տեսնում առանձին գրքով՝ Երուսաղեմ, 1989 թ.:

22 «Սիոն», 1951, մայիս, էջ 142—146: Տե՛ս նույն հոդվածը S. Der Nersessian. Le peintre Minas et ses oeuvres.— Études byzantines et arméniennes, Louvain, 1973 p. 695—700.

1950 թ., գրեթե Մինասին նվիրված հոդվածի հետ միաժամանակ<sup>26</sup>։ Նշելով պատկերագրական և ունական մեծ ընդհանրությունը Մինասի արվեստի հետ, Ս. Տեր Ներսեսյանը, այնուամենայնիվ, մանրանկարների հեղինակությունը Մինաս նկարչին չի վերագրում։ Մանոթ չլինելով բնագրին և մեր տրամադրության տակ ունենալով մանրանկարների միայն սև-սպիտակ լուսանկարները<sup>24</sup>, խուսափում ենք որևէ ենթադրությունից։ Հիմք ընդունելով Ս. Տեր Ներսեսյանի կարծիքը, ձեռնպահ ենք մնում այդ ձեռագիրը սույն հոդվածում ներկայացվող Մինասի նկարագրագծած ձեռագրերի շարքը դասելուց։

Հարկ է նշել նաև, որ Մինասի նկարագրագրումների վերատպությունները տեղ են գտել հայկական մանրանկարչությանը նվիրված, Հայաստանում և արտասահմանում տպագրված ալբոմներում և կատալոգներում, ինչպես նաև հայ արվեստին նվիրված ընդհանուր աշխատություններում<sup>25</sup>։

Մինասի ստեղծագործության մեր ուսումնասիրությունը այսօր թույլ է տալիս լրացնել նրա նկարագրագծած ձեռագրերի քանակը, նկարչի գործունեության և նրա աշխատանքների վերաբերյալ որոշ ճշգրտումներ կատարել, և առավել լրիվ պատկերացում կազմել նրա ստեղծագործական սկզբունքների մասին։

Ստորև ներկայացվում է ձեռագրերի համառոտ նկարագրությունը։

1. 1432 թ., Մաշտոց, Արճեշ, գրիչ՝ Կարապետ, ստացող՝ Սկրտիչ Օրբելեանց վարդապետ, Փիրղալեմյան 102<sup>26</sup>։

Այս Մաշտոցը Մինասին վստահված առաջին գործերից մեկն է, երբ նա դեռ երիտասարդ էր, և ընդամենը դպիր։ Սկրտիչ վարդապետը՝ Մինասի ուսուցիչը, ձեռագրի պատվիրատուն է. «Ծտու գրել զսա... յիշատակ ինձ, և հոգևոր ծնողաց իմոց՝ Կարապետ կրօնատրի և Յակոբի, այլ և մարմնատր ծնողաց իմոց՝ Օրպէլին և Դովլաթին»<sup>27</sup>։ Իր հիշատակարանում նա հիշում է մյուսների շարքում՝ «...դերջանիկ և զբաշ հոնտորն և զտիեզերալոյս բաբունին զԹովմայ, որ զօրինակն շնորհեաց և բազում բարութիւնս եցոյց մեզ (...) նաև զհոգևոր որդեակս իմ զՄինաս դսիրն, որ զգիրս ծաղկեաց...»<sup>28</sup>։ Յավոք, ձեռագիրը մեզ չի հասել։

2. 1433 թ., Ավետարան, Արճեշ, գրիչ՝ Կարապետ, ստացող՝ Հովհաննես Երզնկացի ոսկերիչ, Մատ 5172, Թերթ՝ 298, թուղթ, չափ՝ 18,5×14, գրություն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ)։

Ձեռագիրը պարունակում է 4 ավետարանիչների դիմանկարները, անվանաթերթներ, խորաններ։ Լուսանցազարդերը մեծաթիվ չեն։ Մինասը թողել է իր ստորագրությունը Հովհաննես ավետարանչի դիմանկարի տակ (էջ 228բ)՝ «զՄինաս ծաղկողս և զծնողս իմ յիշեցէք ի Քրիստոս»։

3. 1435 թ., Հովհան Ոսկեբերանի Մեկնութիւն ԺԴ Թղթոցն Պօղոսի, Մեծփայտանք, գրիչներ՝ Հովհաննես Մանկասարենց, Ստեփանոս, ստացող՝

<sup>26</sup> S. Der Nersessian. An Armenian Gospel of the Fifteenth Century, The Boston Public Library Quarterly, January 1950. Տե՛ս նո՛յն հոդվածը S. Der Nersessian.—Etudes byzantines et arméniennes, Louvain, 1973, p. 683—694.

<sup>24</sup> Մատ, Ս. Տեր Ներսեսյանի արխիվ, 1. 2։

<sup>25</sup> Լ. Դուրնովո, Ռ. Դրամբյան. Հայկական մանրանկարչություն. Երևան, 1967, նկ. 70; Լ. Լ. Հակոբյան. Հայկական մանրանկարչություն. ալբոմ, Երևան, 1978, նկ. 62, 63, 64; O. Avedissian. Peintres et Sculpteurs Arméniens, Le Caire, 1959, էջ 95; M. Thierry, P. Donabedian. Les arts Arméniens, Paris, 1982, նկ. 138, 139; T. F. Mathews, R. Wieck. Treasures in Heaven, Armenian Illuminated Manuscripts, The Pierpont Morgan Library, New York, 1994, էջ 194—195, նկ. 67, տախտակ 32—33, Arménie entre Orient et Occident. Trois mille ans de civilisation. Sous la direction de R. H. Kevorkian. Bibliothèque Nationale de France, Paris, 1996, ծան. 54, 55, նկ. էջ 48, 120;

<sup>26</sup> Գ. Փիրղալեմյան. Նոտարք, էջ 100—101։

<sup>27</sup> Ժն դարի հայերեն ձեռագրերի հիշատակարաններ, մաս Ա, էջ 424։

<sup>28</sup> Նույն տեղում։

Թովմա Մեծոփեցի վաղդապետ, Մատ 1380: Թերթ՝ 347, թուղթ, չափ՝ 22,5×16,5, գրություն՝ երկսյուն, գիր՝ բուրգգիր, կազմ՝ կաշեպատ տախտակ (գրողմազարդ):

Ձեռագրի միակ մանրանկարը ներկայացնում է Թովմա Մեծոփեցուն՝ Պողոս առաքյալի առջև: Ձեռագրում չկա Մինասի ստորագրությունը, սակայն մանրանկարի հորինվածքը և ոճը կասկած չեն թողնում այս գործի հեղինակության վերաբերյալ:

4. 1437 թ., Շարակնոց, Արգելան, գրիչ՝ Գրիգոր Աթաբեկենց, ստացող՝ Գրիգոր կրոնավոր, Երուսաղեմ 2479: Թերթ՝ 694, թուղթ, չափ՝ 11,5×8,5, գրություն՝ միասյուն, գիր՝ բուրգգիր, կազմ՝ կաշեպատ տախտակ:

Նկարիչը զարդարել է ձեռագիրը հետևյալ մանրանկարներով՝ Հովակիմ և Աննա (էջ 4ա), Խաչելություն (էջ 254ա), Հարություն (էջ 254ա), Համբարձում (էջ 321ա), Հոգեգալուստ (էջ 346ա): Ձեռագիրն ունի նկարազարդ անվանաթերթեր, զարդագրեր և լուսանցազարդեր: Որպես գրքի ծաղկող Մինասը հիշատակված է 252ա էջի լուսանցքի արձանագրության մեջ, իսկ ինքը իր ստորագրությունը թողել է Համբարձման տեսարանի տակ (էջ 321ա)<sup>29</sup>:

5. 1439 թ., Ավետարան, գրիչ՝ Գրիգոր Աթաբեկենց, ստացող՝ Աստվածատուր կրոնավոր, Քյուրտյանի հավաքածու հմր. 65, այժմ գտնվում է Վենետիկի Մխիթարյան Միաբանության մատենադարանում<sup>30</sup>: Թերթ՝ 376, թուղթ, չափ՝ 18×14, գրություն՝ երկսյուն, գիր՝ բուրգգիր, կազմ՝ կաշեպատ տախտակ (զրուժմազարդ):

Ինչպես նախորդ ձեռագիրը, այս Ավետարանը ևս գրվել է Արգելանում, Գրիգոր Աթաբեկենց գրչի կողմից: Առաքել Դավրիժեցին օգտագործել է այս ձեռագրի հիշատակարանը իր Պատմության մեջ, կուսավորչի աջի սյուտմության կապակցությամբ<sup>31</sup>: Ձեռագիրը նշում է Հ. Ոսկյանը<sup>32</sup>, իսկ նրա հիշատակարանը ընդգրկված է Նոր Զուղայի Ամենափրկիչ վանքի Ձեռագրաց ցուցակում<sup>33</sup>: Գրիգոր Աթաբեկենց գրիչը, իր հիշատակարանում, խնդրում է հիշել իր հոգևոր հայր և ուսուցիչ Մկրտիչ վարդապետին, որը սովորեցրել է իրեն գրչության արվեստը, ինչպես նաև Մինաս կրոնավորին, «որ երփներփն եւ երանդ կրանդ գուժով զարդարեաց զԱւետարանս»<sup>34</sup>: Ձեռագիրը պարունակում է 4 ավետարանիչներին դիմանկարները, հարուստ է լուսանցազարդերով, ունի զարդարված անվանաթերթեր, պոլիքրոմ խորաններ, զարդագրություններ և զլիտատառեր:

6. 1441 թ., Ավետարան, Գեորգա վանք (Քաջբերունի գավառ), գրիչ՝ Թովմա Մեծոփեցի (րաբունապետ Թովմա Մեծոփեցու աշակերտ), ստացող՝ Գյուլ-

<sup>29</sup> Ն. Պողոսյան. Մայր ցուցակ ձեռագրաց սրբոց Յակոբեանց, հ. 8, Երուսաղեմ, 1977, էջ 146—148:

<sup>30</sup> Ձեռագիրը 1958 թ. եղել է Հ. Քյուրտյանի մասնավոր հավաքածուում. տե՛ս Armenian Manuscripts. An Exhibition at the University of Kansas Library, 1955, № 11, էջ 7, 10, նկ. էջ 10: Հ. Քյուրտյան. Ցուցակ ձեռագրաց «Հ. Քյուրտյան հավաքածու»-ի, «Բազմավեպ», 1988, էջ 337—340:

<sup>31</sup> Առաքել Դավրիժեցի. Պատմութիւն. Վաղարշապատ, 1896, էջ 416: Դավրիժեցին տեսել է ձեռագիրը Իսպահանում՝ «Գնացքս Եսպահան քաղաք եւ մինչ որոնէար զհիշատակարանս դրոց, գտաք անտարան մի որոյ յիշատակարանն է այսպես»:

<sup>32</sup> Հ. Ոսկյան. Վասպուրականի—Վանի վանքերը. Վիեննա, 1940, էջ 368: Տե՛ս նաև Ժն դարի հայերեն ձեռագրերի հիշատակարաններ, մաս Ա, էջ 500:

<sup>33</sup> Ս. Տեր-Ավետիսյան. Ցուցակ հայերեն ձեռագրաց. Նոր Զուղայի Ամենափրկիչ վանքի, հ. Ա, Վիեննա, 1970, էջ 121—122 (84): Ինչպես հայտնում է ծանոթագրության մեջ Ցուցակի հեղինակը, ձեռագրի հիշատակարանում չնշված է գրչության տարիթվի առաջին տառը: Ս. Տեր-Ավետիսյանը այն թվագրում է 1539 թվականով, որը ճիշտ չէ:

<sup>34</sup> Նույն տեղում, էջ 122:

փաշա մահդասի, Մատ 3892<sup>35</sup>: Թերթ՝ 319, թուղթ, շափ՝ 21×16, գրություն՝ երկսյուն, գիր՝ բոլորգիր, կաղմ՝ կաշեպատ տախտակ (ղրոշմաղարդ), ականակուռ:

Այն պարունակում է Տերունական շարքի 11 մանրանկար, Ավետումից մինչև Հոգեգալուստ, 4 ավետարանիչների դիմանկարները, 10 խորան և լուսանցազարդեր: 10բ էջի վրա պատկերված է ստացողը (Գյուլփաշա): Մինասի ստորագրությունը ձեռագրում կարելի է տեսնել երկու տեղ՝ Հոգեգալուստի պատկերի տակ (էջ 11ա) և Գուկաս ավետարանչի դիմանկարի շրջանակի վրա (էջ 157ա)՝ «ՁՄինաս նկարողս յիշեցեք ի Քրիստոս»:

7. 1443 թ., Մաշտոց, Սուխարա վանք, գրիչ՝ Իգնատիոս, ստացող՝ Պապ տանուտեր, Մատ 6450: Թերթ՝ 241, թուղթ, շափ՝ 21×16, գրություն՝ երկսյուն, գիր՝ բոլորգիր, կաղմ՝ կաշեպատ տախտակ (ղրոշմաղարդ):

Ձեռագիրն ունի 2 ծիսական մանրանկար՝ «Սկիզբն աստիճանաց կղերիկոսաց» (էջ 180բ) և «Օրհնութիւն եկեղեցվոյ հիմնադրման» (էջ 205բ), 3 անվանաթերթ, գլխազարդեր և լուսանցազարդեր: Այստեղ Մինասը նորից հիշատակվում է որպես դպիր: 205բ էջի վրա նա թողել է հետևյալ արձանագրությունը՝ «Ձծաղկաղ դպիրս՝ զՄինասս յիշեցեք ի Քրիստոս»:

8. 1445 թ., Ավետարան, Արճեշ, գրիչ՝ Հովհաննես Մանգասարենց, ստացող՝ Հովհաննես քահանա, Փիրղալեմյան 154<sup>36</sup>:

«Մեռելյարոյց» անունը կրող այս Ավետարանը գրվել է Արճեշում, իսկ նկարազարդվել՝ Մեծոփավանքում: Հովհաննես Մանգասարենց գրիչը Թովմա րաբունապետին և Մկրտիչ վարդապետին (Մինասի ուսուցիչներին) նշելուց հետո ավելացնում է. «Արդ, գրեցաւ սուրբ անետարանս ի գաւառս Քաջբերունեաց, ի յաստուածապահ քաղաքս Արճեշ, ընդ Հովանեաւ սուրբ եկեղեցւոյս, և ծաղկեցաւ ի սուրբ ուխտս Մեծոփայ, [ձեռամբ աստուածապատիւ... և հեղահոգի Մինաս կրօնաւորի]»<sup>37</sup>: Ավետարանի մանրանկարների մասին ոչինչ հայտնի չէ, այն պատկանում է կորած ձեռագրերի թվին:

9. 1452 թ., Ավետարան, Վան, գրիչ՝ Վարդան երևց, ստացող՝ Հովհաննես տանուտեր, Գ. Փիրղալեմյան 186<sup>38</sup>:

Այս ձեռագիրը նույնպես չի պահպանվել: Գրիչ Վարդանը, որ համագործակցել է Մինասին նաև 1461 թ., իր հիշատակարանում թվարկում է բոլոր նրանց, ովքեր մասնակցել են ձեռագրի ստեղծմանը. «(...) Դարձեալ, յիշեցէք ի Քրիստոս զՄինաս ծաղկողն և զՎարդան վարպետ կազմողն...: Յիշեցէք ի սուրբ լաղօթս ձեր ղՅովանէս [տանուտէրն և զկենակիցն] զԱւագուհին, որ ստացաւ գտուրք Աւետարանս»: Մանրանկարների մասին տեղեկութիւններ չկան:

10. 1454 թ., Ավետարան, Լիմ, Արճեշ, գրիչ՝ Հովհաննես Մանգասարենց, ստացող՝ Վարդան կրոնավոր, Մատ 6570: Թերթ՝ 290, թուղթ, շափ՝ 23,5×16, գրություն՝ երկսյուն, գիր՝ բոլորգիր, կաղմ՝ կաշեպատ տախտակ (ղրոշմաղարդ), ականակուռ:

Ձեռագիրն ունի Ավետարանական շարքի 13 մանրանկար, որոնց հերթականութիւնը խախտված է հետագա վերակազմութեան ընթացքում, 3 ավետարանչի դիմանկար, խորաններ և լուսանցազարդեր, այդ թվում նաև թեմատիկ: 11բ էջի վրա պատկերված է ձեռագրի ստացողը՝ Տեր Վարդանը: Նկարիչը թողել է իր ստորագրութիւնը Հոգեգալուստի պատկերի տակ (էջ 13ա)՝ «ՁՄինաս զեղկելի նկարողս եւ ծնողսն իմ յիշեցէք աղաչեմ ի Քրիստոս»:

11. 1454 թ., Ավետարան, Բազեինց վանք, գրիչ՝ Հովհաննես, ստացողներ՝ Ստեփանոս տանուտեր, Սարգիս կրոնավոր, Մատ 6653: Թերթ՝ 280, թուղթ,

35 Տե՛ս Ժժ դարի հայերեն ձեռագրերի հիշատակարաններ. մաս Ա, էջ 521—522. այստեղ ձեռագիրը սխալմամբ նշված է 3802 համարի տակ:

36 Գ. Փիրղալեմյան. նոտարք, էջ 147:

37 Ժժ դարի հայերեն ձեռագրերի հիշատակարաններ, մաս Ա, էջ 586—587:

38 Գ. Փիրղալեմյան. նոտարք (186), էջ 168—169: Ժժ դարի հայերեն ձեռագրերի հիշատակարաններ. մաս Բ, կազմեց՝ Լ. Խաչիկյան, Երևան, 1958, էջ 24:

չափ՝ 21×16, գրություն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ), ականակուռ խաշով:

Ձեռագիրն ընդգրկում է 12 թեմատիկ մանրանկար, որոնց հերթականությամբ շեռագրա վերակազմության պատճառով խախտված է. 4 ավետարանիչների դիմանկարները, խորաններ և լուսանցազարդեր: Նկարչի ստորագրությունը գտնվում է 11բ էջի վրա, Համբարձման պատկերի տակ:

12. 1454 թ., Սարգիս Շնորհալու Մեկնութիւն Կաթողիկեայց<sup>39</sup>, պատանդաներ, Սուխարավանք, Լիմ, գրիչ՝ Իգնատիոս, ստացող՝ Կիրակոս կրոնավոր, Jean Pozzi-ի նախկին հավաքածուից: Թուղթ, շափ՝ 32×20,5, գրություն՝ միասյուն, գիր՝ բոլորգիր:

Գրիչը ձեռագիրը սկսել է Սուխարավանքում, այնուհետև, սակայն, ստիպված է եղել փախչել Լիմ անապատ: Հետագայում այն նվիրաբերվել է Վարագավանքին: Ձեռագիրը հիշատակվում է տարբեր ցուցակներում<sup>40</sup>, իսկ պատանդաները բազմիցս վաճառվել են Եվրոպայի աճուրդներում<sup>41</sup>:

Ձեռագրի նկարազարդումներից այսօր հայտնի են 2 մանրանկար և 2 կիսախորան: Մանրանկարները ներկայացնում են Սարգիս Շնորհալուն, որն իր մեկնությունները ընծայում է մի դեպքում Ս. Հակոբոսին<sup>42</sup>, մյուսում՝ Ս. Հուդային: Երկու պատկերում էլ ներկայացված է պատվիրատուն, իսկ մանրանկարներից մեկը զարդարում է նաև Զորեքկերպեան աթոռ կոմպոզիցիան: Ներբազեղ կիսախորաններով ձևավորված են Պետրոս և Հովհաննես առաքյալների Առաջին Թղթի անվանաթերթերը:

13. 1455 թ., Ավետարան, Արճեշ, գրիչ՝ Դավիթ քահանա, ստացող՝ Խաչատուր քահանա, Երուսաղեմ 3815: Թերթ՝ 622, թուղթ, շափ՝ 22×16, գրություն՝ երկսյուն, գիր՝ բոլորգիր, կազմ՝ կաշեպատ տախտակ, արծաթե խաշերով և գամերով:

Կարելի է ասել, որ այս ձեռագիրը ամենահայտնին է նկարչի ստեղծագործական ժառանգության մեջ: Ս. Տեր Ներսեսյանը այն համարում է Մինասի լավագույն գործերից մեկը<sup>43</sup>: Ձեռագրի որոշ մանրանկարներ վերատպված են կատալոգներում և գրքերում<sup>44</sup>: Այն հարուստ է նկարազարդումներով, ուր ավետարանական տեսարաններից բացի (14) տեղ են գտել հետևյալ սյուժեները՝

<sup>39</sup> Սարգիս Շնորհալուն կամ Մեկնիչը XII դարի խոշոր մատենագիրներից մեկն է: Մեկնութիւն Կաթողիկեայց-ը (1156 թ.) համարվում է իր լավագույն երկը: Գ. Զարբհանյան. Պատմութիւն հայ հին դպրութեան. Վեներիկ, 1922, էջ 643—647: Մ. Օրմանյան. Ազգապատում, էջ 1391—1392 (954):

<sup>40</sup> Ղ. Փիրղալեմյան. Նոտարք, (198), էջ 174—176: 2. Ոսկյան. Վասպուրականի—Վանի վանքերը, էջ 15: Ա. Սյուրմեյան. Մայր ցուցակ հայերեն ձեռագրաց Եվրոպայի մասնավոր հավաքումներու. Փարիզ, 1950, էջ 35—36:

<sup>41</sup> Jean Pozzi-ի մահից հետո իր մասնավոր հավաքածուն վաճառվել և վերավաճառվել է տարիների ընթացքում: Այդ վաճառքների կատալոգներում կարելի է տեսնել մեզ հետաքրքրող ձեռագրի մասեր.— Arts de l'Islam (Hotel Drouot), 28. 4. 1972, n° 133, 134, նկ. 39 էջի վրա, Objets d'Art (Vente ou Palais d'Orsay), 16; 6. 1977, n° 166, 167, վերատպություններով, Arts de l'Islam (Hotel Drouot), 5. 12. 1994, n° 198, Manuscripts of the Christian East, Sam Fogg Rare Books, Catalogue 18, London, 1996, էջ 36, n°22.

<sup>42</sup> Այդ կերպարի մոտ (որին Ա. Սյուրմեյանը իր նկարագրության մեջ սխալմամբ անվանում է Պետրոս) դրված արձանագրությունը գրեթե անընթեռնելի է, սակայն մանրամասն ուսումնասիրության դեպքում հնարավոր է կարդալ «Յակոբոս տն եղբայրն»: Հնարավոր է, որ Սյուրմեյանը այն նույնիսկ չի նկատել:

<sup>43</sup> Ն. Պողարյան. Վսեմ Տիար Գալուստ Գյուլբենկյանի թանկագին մեկ նվերը, էջ 228—233, Ս. Տեր Ներսեսյան. Մինաս նկարագ և իր ծաղկած նկարները, էջ 146:

<sup>44</sup> Ն. Պողարյան. Մայր ցուցակ ձեռագրաց արքայ Յակոբեանց, հ. 11, Երուսաղեմ, 1991, էջ 247—254; M. Thierry, P. Donabedian. Les arts Arméniens, նկ. 138, 139, S. Der Nersessian. L'Art arménien. Paris, 1989, էջ 229, նկ. 176.

Քրիստոսի ծննդաբանությունը (էջ 6ա), Զորեքկերպյան աթոռ (էջ 37ա), Եզեկիելի տեսիլքը (էջ 39ա) և պատվիրատունների դիմանկարները հաշի մոտ (Քրիստոսի երկրորդ Կալուստը էջ 36ա): Զեռագիրն ունի 4 ավետարանիչների դիմանկարներ, խորաններ և շատ հարուստ է թեմատիկ լուսանցազարդերով: Մինասի ստորագրությունը գտնվում է Մատթեոս ավետարանչի դիմանկարի տակ՝ պատկերի շրջանակի ներքևի մասում, երկաթագիր տառերով. «ԶՄինաս նկարող եւ զծնողս իւրն յիեցէք» (էջ 68ա):

14. 1456 թ.<sup>45</sup>, Ավետարան, Կտուց անապատ, գրիչ՝ հաշատուր, ստացող՝ Հովհաննես տանուտեր, Փարիզի Ազգային գրադարան թիվ 18<sup>46</sup>, Թերթ՝ 313, մագաղաթ, չափ՝ 20,5×15, գրություն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ):

Փարիզի Ազգային գրադարանում պահվող այս Ավետարանը արժեքավոր է նկարչի մասին հարուստ տեղեկություններ պարունակող իր հիշատակարանով և նրբագեղ մանրանկարներով: Զեռագիրն ունի 13 մանրանկարներից կազմված Ներունական շարք, 4 ավետարանիչների դիմանկարներ, խորաններ և լուսանցազարդեր:

15. 1456 թ., Ավետարան, գրիչ՝ Հովհաննես Մանգասարենց, ստացող՝ Վարդան հերպետ, Մատ 5629, Թերթ՝ 337, թուղթ, չափ՝ 14,5×11, գրություն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ):

Զեռագրի ստեղծման վայրը հայտնի չէ: Հավանաբար, ինչպես Մանկասարենցի գրեթե բոլոր ձեռագրերը (ալդ թվում և Մինասի կողմից նկարազարդված 1445, 1454 և 1469 թթ. Ավետարանները), այն նույնպես գրվել է Արճենում, իսկ նկարազարդվել՝ Մեծոփավանքում<sup>47</sup>: Ավետարանը ունի 13 մանրանկար, 3 ավետարանչի դիմանկար, խորաններ և լուսանցազարդեր: Իր ստորագրությունը Մինասը թողել է 263 էջի վրա, Մատթեոս ավետարանչի պատկերի տակ:

16. 1456 թ., Ավետարան, Բերդաձոր վանք, գրիչ՝ Մարգարե, ստացող՝ Զիեալ, Նոր Զուղայի Ամենափրկիչ վանքի թանգարան 446 (56)<sup>48</sup>, Թերթ՝ 366, թուղթ, չափ՝ 23,7×16,5, գրություն՝ միասյուն, գիր՝ բոլորգիր, կազմ՝ կաշեպատ տախտակ մետաղյա խաշով:

Զեռագիրն ունի Տերունական շարքի 9 մանրանկար, 4 ավետարանչի դիմանկար, խորաններ և լուսանցազարդեր: Մինասի ստորագրությունը գտնվում է մանրանկարներից մեկի տակ (էջ 8բ)՝ «ԶՄինաս սոսկ անուն նկարողս յիեցէք ի Քրիստոս եւ Աստուած զձեզ յիշէք»:

17. 1456 թ., Մաշտոց և գիրք Զեռնագրության<sup>49</sup>, գրիչներ՝ Հովհաննես Մանգասարենց, Մկրտիչ, Միքայել և Հովասափ, ստացող՝ Ազարիա եպիսկոպոս, Քյուրտյանի հավաքածու հմր. 78, այժմ գտնվում է Վենետիկի Մխիթար-

<sup>45</sup> Որոշ մասնագետներ մեր նկարչին են վերագրում նաև Մատ 4648 Ավետարանը, 1456 թ. գրված Բաղեշում Ստեփանոս քահանայի ձեռքով և նկարազարդած Մինաս քահանայի կողմից: Զեռագրի հիշատակարանի և մանրանկարների ոճի ուսումնասիրությունը թույլ է տալիս հաստատել, որ նկարչի անձը միանգամայն տարբեր է:

<sup>46</sup> F. Macler, Catalogue des Manuscrits armeniens et georgiens, Paris, 1908, էջ 7—8: F. Macler, Miniatures Armeniennes, Vie du Christ, էջ 20—21, տախտակ XVI—XIX. Մակլերի ալբոմից 2 մանրանկար (հաշիլություն և Թաղում) վերատպված են Արշակ Զոպանյանի Roseaie d'Armenie-ում, հ. 2, Փարիզ 1923, էջ 251, 254: R. H. Kevorkian, A. Ter-Stépanian. Manuscrits armeniens de la Bibliothèque Nationale de France, էջ 26—30:

<sup>47</sup> Ա. Մ ա թ ե ո ս յ ա ն. Մեծոփավանքի գրչության կենտրոնը, էջ 113, 195—196:

<sup>48</sup> Ս. Տ եր Ա վ ե տ ի ս յ ա ն. Ցուցակ հայերեն ձեռագրաց Նոր Զուղայի Ամենափրկիչ վանքի, էջ 87—88:

<sup>49</sup> Տ ճ ' ս շ. Ք յ ու ռ յ ա ն. Առաքել Սյունեցիի մեկ անտիպ գանձը, Հայաստանեայց եկեղեցի, Հայ եկեղեցական Հանդես. Նյու Յորք, 1951, էջ 21: նույնի՝ Ցուցակ ձեռագրաց թՅ. Քիրտեան հաւաքածոյս-ի.—«Բաղմավիպ», 1988, էջ 363—366:



լան Միաբանության մատենադարանում: Թերթ՝ 300, թուղթ, շափ՝ 18×13,5, գրություն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ):

Ձեռագիրն ունի Քահանայի Ձեռնարկությունը (էջ 85բ) և Աղարիս եպիսկոպոսի դիմանկարը (էջ 99բ) ներկայացնող մանրանկարները, ինչպես նաև հարուստ ձևավորված խորաններ (էջ 3ա, 86ա), գլխազարդեր և նրբագեղ լուսանցազարդեր:

18. 1452—1457 թթ., Հայսմավուրք, Լիմ, Սուխարա վանք, Արգելյան, գրիչներ՝ Ղազար, Հերպետ քահանա, Հովհաննես, ստացող՝ Ստեփանոս Ղարիպշահ, Մատ 4472: Թերթ՝ 668, թուղթ, շափ՝ 32×21,5, գրություն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ):

Ընդօրինակված տարբեր վայրերում և տարբեր գրիչների կողմից, այն ստեղծվել է Ստեփանոս Ղարիպշահի պատվերով իր Երուսաղեմ կատարած ուստազնացության համար: Սրբեր և մարգարեներ պատկերող բազմաթիվ լուսանցազարդ մանրանկարներից բացի, ձեռագիրն ունի 1 թեմատիկ մանրանկար, որը ներկայացնում է Չորեքկերպեան աթոռը (էջ 4բ): Նույն էջի վրա պատկերված է պատվիրատուն և գտնվում է Մինասի ստորագրությունը. «ՉՄինաս նկարող ի տէր յիշեցէք»:

19. 1458 թ., Սաղմոսագիրք-Ազոթագիրք, Խառաբաստա վանք, գրիչ՝ Իգնատիոս, ստացող՝ Ջաքարիա վարդապետ, Մատ. 1044<sup>ա</sup>: Թերթ՝ 353, թուղթ, շափ՝ 10,9×7,8, գրություն՝ միասյուն, գիր՝ բոլորգիր, կազմ՝ կաշեպատ տախտակ:

Սաղմոսագիրքը պարունակում է Ջաքարիա վարդապետի դիմանկարը (էջ 6բ), Հովհաննես Գանեսցի վարդապետի դիմանկարը (էջ 13բ) և հետևյալ մանրանկարները՝ Կարմիր ծովի Անցումը (էջ 35բ), Սովսեսը, Սարիամը և եբրայեցիները (էջ 60բ), Հովնանի պատմությունը (էջ 183ա), Խաչելություն (էջ 207ա), Երեք մանուկները հնոցում (էջ 212ա), Մանասե թագավորը գրում (էջ 217բ), Հոգեգալուստ (էջ 249):

20. 1460 թ., Ճաշոց, Արծկե, գրիչ՝ Հովհաննես քահանա, ստացող՝ Ստեփանոս Ղարիպշահ, Մատ 982: Թերթ՝ 533, թուղթ, շափ՝ 31,4×21,5, գրություն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ):

Այս ձեռագիրը Ստեփանոս Ղարիպշահի երկրորդ պատվերն է: Ստեփանոսի դիմանկարը տեսնում ենք ձեռագրում 217 էջի վրա Խաչելության պատկերում: Գրիչը գրում է իր հիշատակարանում. «Ու արդ, գրեցաւ սա ի քաղաքս Արծկէ, (...) ձեռամբ անարժան և մեղսամած գրչի Յովանէսի, ի թվականիս մերում Զ. և Թ. (1460) ամի, ի թագաւորութեան Զհանշալի, (...) ի վշտաշատ ժամանակիս, յորում շարժեալ են ի վերայ քրիստոնէից անհնարին վիշտ և տառապանք յազգաց անարինաց՝ հարկապահանջութիւնք, և ես՝ անպիտան դժաւղս Յովանէս, տեսի զփափագ Ստեփանոս մուղղասուն, զոր ունէր հետ սուրբ գրոցս, սկիզբն արարի և շնորհաւքն Քրիստոսի աւարտեցի»<sup>50</sup>: Ստեփանոս Ղարիպշահը 1465 թ. (Աղթամարի Ստեփանոս կաթողիկոսի աթոռակալության սկզբին) ձեռագիրը նվիրում է Աղթամարի վանքին<sup>52</sup>: Ձեռագիրն ունի հետևյալ մանրանկարները՝ Քրիստոսի ծննդաբանությունը (էջ 1բ), Մնունդ (էջ 4բ), Խաչելություն (էջ 217բ), Հարություն (էջ 218բ) և մեկ էջի վրա պատկերված Հոգեգալուստը և Եզեկիելի տեսիլքը (էջ 309ա): Ձեռագիրը հարուստ է գլխազարդերով և լուսանցազարդերով<sup>53</sup>, Մինասի ստորագրությունը գտնվում է Խաչելության պատկերի էջի վրա:

50 Ձեռագիրը կազմել է Հ. Հազարյանի (Նյու Յորք) հավաքածուի մասը (հմր. 31), Տե՛ս Ա. Սյուրմեյան. Մայր ցուցակ հայերեն ձեռագրաց Եվրոպայի մասնավոր հավաքումներու, հմր. 1:

51 Ժե դարի հայերեն ձեռագրերի հիշատակարաններ. մաս Բ, էջ 135:

52 Նույն տեղում, էջ 240:

53 Հ. Հակոբյան. Հայկական մանրանկարչություն. Վասպուրական, նկ. 62, 63, 64:

21. 1461 թ., Ավետարան, Վան, գրիչ՝ Վարդան բաճանա, ստացող՝ Մկրտիչ բաճանա, Նյու Յորքի Pierpont Morgan գրադարան, հմր. 749: Թերթ՝ 310, թուղթ, չափ՝ 23,6×16, գրություն՝ երկսյուն, գիր՝ բուրգգիր:

Ավետարանը դրված է Վարդան բաճանայի ձեռքով «...ի բաղաբս, որ կոչի Վան, րնդ հովանեաւ սուրբ Աստուածածնին եւ սուրբ Վարդան բաջ զօրավարին: Ի թուականութեանս Հայոց ՋԺ (=1461), ի հարապետութեանս տեառն Զարարիայի, որ մին ամ է, որ նստաւ յաթոռ սուրբ Լուսաւորչին ի լէջմիածինն...»<sup>54</sup>. Մանրանկարների հերթականությունը խախտված է հետագա վերակազմության ժամանակ, և որոշ նկարազարդ թերթեր կորցված են: Ձեռագիրն ունի 12 Տերունական մանրանկար Ավետումից մինչև Հոգեգալուստ, 4 ավետարանիչների դիմանկարներ, ինչպես նաև պատվիրատուների դիմանկարները հաշի մոտ (Քրիստոսի երկրորդ Գալուստր, էջ 9բ): Մինասի ստորագրությունը գտնվում է նույն էջի վրա «ՁՄինաս նկարող չիշեղէր ի բարին Քրիստոս եւ Աստուած զձեզ չիշէ»։ Այս ձեռագիրը բաղմիջս հիշատակությունների է արժանադերձ<sup>55</sup>:

22. 1462 թ., Հալամավորք, Կոտուց անապատ, գրիչ՝ հաչատուր, Հովհաննես Ակիճկեցի եղբայրներ, ստացողներ՝ հաչատուր և Ստեփանոս աբեղաներ, Մատ 4883: Թերթ՝ 615, թուղթ, չափ՝ 32×21, գրություն՝ երկսյուն, գիր՝ բուրգգիր, կազմ՝ կաշեպատ տախտակ (դրոշմազարդ):

Ձեռագրի նկարազարդումը բաղկացած է բաղմամբիվ լուսանցազարդ մանրանկարներից, անվանաթերթերից և դիսպոզիցիոններից: Ուշագրավ է ձեռագրի հիշատակարանը, որը պարունակում է պատմական հետաքրքիր տեղեկություններ, և ուր հաչատուր գրիչը Մինասին նվիրում է զովասանքի խոսքեր:

23. 1462 թ., Ավետարան, Վան, գրիչ՝ Վարդան Երեց, ստացող՝ Ստեփանոս տանուտեր, Երուսաղեմ 1799<sup>56</sup>: Թերթ՝ 608, թուղթ, չափ՝ 25×16, գրություն՝ երկսյուն, գիր՝ բուրգգիր, կազմ՝ կաշեպատ տախտակ (դրոշմազարդ):

Տերունական շարքի 14 մանրանկարներից բացի, նկարիչը պատկերել է նաև Ահեղ Գատաստանը (էջ 23ա) և պատվիրատուին իր որդու հետ հաշի մոտ (Քրիստոսի երկրորդ Գալուստր, էջ 22ա): Ավետարանը ունի 4 ավետարանիչ դիմանկար, խորաններ և լուսանցազարդեր:

24. 1464 թ., Ավետարան, Վան, գրիչ՝ Ստեփանոս, ստացող՝ Պողոս մուհղասի, Լալայան 216<sup>57</sup>: Թերթ՝ 360, թուղթ, չափ՝ 27×19, գրություն՝ երկսյուն, գիր՝ բուրգգիր, կազմ՝ կաշեպատ տախտակ:

Կորած ձեռագրերի թվին պատկանող այս Ավետարանը դարձրված է եղել Տերունական շարքի 14 մանրանկարներով և 4 ավետարանիչների դիմանկարներով: Իր ստորագրությունը նկարիչը թողել է մանոանկարներից մեկի տակ՝ «ՁՄինաս նկարող մեղաւորս չիշման արժանի արարեք եւ Աստուած ոձեզ չիշէ»<sup>58</sup>:

25. 1464 թ., Շարակնոց, Արգելան, գրիչ՝ Ղազար, ստացող՝ Վարդան կրոնավոր, Մատ 3481: Թերթ՝ 370, թուղթ, չափ՝ 13×8,8, գրություն՝ միասյուն, գիր՝ բուրգգիր, կազմ՝ կաշեպատ տախտակ (դրոշմազարդ):

<sup>54</sup> A. S a n j i a n. A Catalogue of Medieval Armenian Manuscripts in the United States, University of California Press, 1976, p. 605.

<sup>55</sup> T. M a t h e w s, R. W i e c k. Treasures in Heaven. Armenian Illuminated Manuscripts. The Pierpont Morgan Library, New York, 1994, էջ 194. տախտակ 32: 33, նկ. 67: The First Quarter Century of the Pierpont Morgan Library, Catalogue, New York, 1994, p. 37: S. D e r N e r s e s s i a n. Armenian Gospel Illustration as Seen in Manuscripts in American Collections, New Testament Manuscripts Studies, Chicago, 1950: էջ 147:

<sup>56</sup> Ն. Պ ող ա ր յ ա ն. Մ ա յ ր ց ու ց ա կ ձեռագրաց սրբոց Ցակոբեանց, հ. 6, Երուսաղեմ, 1972, էջ 153—158:

<sup>57</sup> Ի. Լ ա յ ա յ ա ն. Ց ու ց ա կ Վասպուրականի հայերեն ձեռագրերի. Թիֆլիս, 1915, էջ 529:

<sup>58</sup> Ձեռագրի նկարազարդումներից Լալայանը նշում է միայն Քրիստոսի երկրորդ Գալուստր, որ հաշի մոտ ձեկի իջած պատկերված են գրիչը, պատվիրատուն և Քումա պպիրը: Մինասի ստորագրությունը գտնվում է նույն էջում:

Ձեռագիրը նկարազարդված է գլխազարդերով և լուսանցազարդերով<sup>59</sup>:

26. 1465 թ., Երազանոց, Սիս, գրիչ՝ Հեթում քահանա, ստացող՝ Սահակ եպիսկոպոս, Հովհաննես կրոնավոր (1456 թ.), Լեյդեն օր. 5521<sup>60</sup>; Թերթ՝ 358, մագաղաթ, չափ՝ 120×85, գիր՝ բոլորգիր, կազմ՝ կաշեպատ տախտակ:

Սիսում գրված այս Երազանոցի հիշատակարանից հայտնի է, որ այն գրված է Հեթում քահանայի կողմից, Սահակ եպիսկոպոսի պատվերով, սակայն գրչութիւն տարեթիվը հայտնի չէ: Տարիներ անց, այս ձեռագիրը պատկանել է Աղթամարի Զաքարիա Գ կաթողիկոսին, որն այն նվիրել է Սմբատ թագավորին նրա թագադրութեան առթիվ<sup>61</sup>: Վերջինս ձեռագիրը վաճառում է Հովհաննես կրոնավորին, որն այն նորից զարդարել է տալիս ռոսկով և արծաթով: Գրիչը գրում է. «(...) Ի քաղաքս Սիս. ընդ հովանեաւ սբ. Նշանիս. ձեռամբ Հեթումի քհնի և ըստացաւ զսա տր Սահակ եպոսն. և յետ սորա անկաւ սա յայլոք և եկեալ հասաւ մինչև ի տր Զաքարիա կթոսն ամ հայոց զոր ըստացաւ զսա և ետ եղբար որդոյն իւրոյ Սմբատ թագավորին և նա ծախեաց և ըստացաւ զսա սբսւսէր և բարէմիտ և հեզահոգի կրանաւորն Յովաննես և մայրն իւր Փաշամէլիքն ի Մ. և ի Ժ. (210) թանգա. ի հալալ և յարդար վաստակոց իւրց և ետուն վերրստին ( 342) զարդարել զսա ոսկով և արծաթով որպէս և տեսանէք իսկ. ի վարելումն անձին իւրոյ և յիշատակ հոգոյ իւրոյ և ծընաւոց իւրոց...»<sup>62</sup>: 1465-ին ձեռագիրը վերակազմվել է և նկարազարդվել Մինասի կողմից: Մանրանկարներն այժմ կորած են, սակայն գրչի հիշատակարանում կարդում ենք Մինաս նկարչին նվիրված խոսքերը. «(...) Յիշեցէք ի Քրիստոս և զհրաշակաւոր և զանուանի նրկարողն ըզտէր Մինասն, որ նրկարեաց ըզսուրբ տնաւրինականքս որ կա ի սմա»<sup>63</sup>:

27. 1466 թ., Ավետարան, Արգելյան, գրիչ՝ Գրիգոր Աթաբեկենց, ստացող՝ Մինաս, Մատ 9858; Թերթ՝ 366, թուղթ, չափ՝ 17,8×13,2, գրութիւն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ), ականակուտ արծաթա խաչերով:

Ձեռագրի ստացողը, հենց ինքը՝ Մինաս ծաղկոտն է. «Դարձեալ ես՝ Մինաս ծաղկաւոց, ստացող սուրբ Աւետարանիս, երէս ի գետին դնելով աղաչեմ դմանկունսդ սուրբ եկեղեցոյ՝ որք սպասաւորէք անգին մարգարիտս կարդալով կամ արինանելով, լաւ սրտով եւ վասն սիրուն Քրիստոսի պահեցէք զաստուածային գանձս, զի բազում յարարանաւք եւ աշխատութեամբ լրմնեցաւ»<sup>64</sup>: Ձեռագրի նկարազարդումից այժմ կարելի է տեսնել միայն ավետարանիչների դիմանկարները, ընդ որում առաջին երեքը, ինչպես նաև անվանաթերթերը, ար-

<sup>59</sup> Հ. Աճառյանի Մինասին համարում է այս ձեռագրի գրիչներից մեկը: Տե՛ս Հ. Աճառյան. Հայոց անձնանունների բառարան. հ. 3, Երևան, 1946, էջ 342 (28):

<sup>60</sup> F. Macler, Rapport sur une mission scientifique en Belgique, Hollande, Danemark et Suède, Paris, 1924, էջ 144—147; Հ. Աճառյան. նշվ. աշխ., հ. 3, էջ 342 (29):

<sup>61</sup> Օտար տիրապետության պայմաններում Վասպուրականում որոնվիլ են նաև պետականություն հաստատելու ուղիներ: Զաքարիա Գ և Ստեփանոս Գ Տղա (1465—1489) կաթողիկոսները փորձել են վերականգնել Վասպուրականի Արծրունյաց թագավորությունը: 1466 թ. Սմբատ Սեֆեդինյանը հռչակվում է Արծրունյաց թագավորների իրավաժառանգ և օծվում է Վասպուրականի թագավոր: Վերջինի կարճատև «թագավորությունը» ամփոփվել է հիմնականում Աղթամար կղզով: Վասպուրականի ձեռագրերի հիշատակարաններում այն երբեմն անվանվում է «թագավորական աթոռ»: Մեկ տարի անց այդ թագավորությունը վերադառնում է Վասպուրականի հոգևոր, քաղաքական և տնտեսական ինքնուրույնությունը շարունակել է մարմնավորել Աղթամարի կաթողիկոսությունը: Տե՛ս Ն. Ակիսյան. Գավազանագիրք կաթողիկոսաց Աղթամարա. Վիեննա, 1920, էջ 25: Ա. Հովհաննիսյան. Դրվագներ հայ ազատագրական մտքի պատմության. հ. 1, Երևան, 1957, էջ 449—451:

<sup>62</sup> F. Macler, Rapport sur une mission scientifique... էջ 145—146:

<sup>63</sup> Նույն տեղում, էջ 146:

<sup>64</sup> Ժն դարի հայերեն ձեռագրերի հիշատակարաններ. մաս Բ, էջ 445:

ված են այլ նկարչի ձեռքով: Մինասից պահպանվել են Հովհաննես ավետարանչի պատկերը (էջ 227բ) և լուսանցազարդերը:

28. 1467 թ., Ավետարան, Ոստան, գրիչ՝ Կարապետ քահանա, ստացող՝ Սուլտանշա, Մատ 6390, Թերթ՝ 278, թուղթ, չափ՝ 25,5×17,5, գրութուն՝ երկսյուն, գիր՝ բոլորգիր, կազմ՝ թավշապատ տախտակ:

Ձեռագիրն ունի 15 մանրանկար, 4 ավետարանիչների դիմանկարներ, խորաններ և լուսանցազարդեր: Ձեռագրի ստացողը՝ Սուլտանշան, պատկերված է հաշի մոտ (Քրիստոսի երկրորդ Գալուստը, էջ 8բ): Նույն էջի ստորին լուսանցքում գտնվում է Մինասի ստորագրությունը:

29. 1469 թ., Ավետարան, Արճեշ, գրիչ՝ Հովհաննես Մանգասարենց, ստացող՝ Ամիր Սարգիս, Երուսաղեմ 3427<sup>65</sup>, Թերթ՝ 258, թուղթ, չափ՝ 22,5×16, գրութուն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ):

Ձեռագիրը հիշատակվում է մի քանի հոդվածներում և նրա որոշ զարգացատկերներ տպագրված են<sup>66</sup>: Ձեռագրի նկարազարդումը կազմում են 4 ավետարանիչների դիմանկարները և լուսանցազարդերը: Մինասի ստորագրությունը գտնվում է Մատթեոս ավետարանչի դիմանկարի տակ (էջ 1բ):

30. 1475 թ., Ավետարան, Վան, գրիչ՝ Կարապետ երեց, ստացող՝ Հովսեփ, Մատ 5013: Թերթ՝ 290, թուղթ, չափ՝ 15×13,5, գրութուն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ):

Ավետարանական շարքի 10 պատկերներին աստեղ ավելացել է Իսահակի գոհարներությունը (էջ 1բ): Ձեռագիրն ունի նաև ավետարանիչների դիմանկարներ և լուսանցազարդեր: Իր ստորագրությունը նկարիչը թողել է Մատթեոս ավետարանչի դիմանկարի տակ (էջ 10բ):

31. 1477 թ., Ճաշոց, Արճեշ, գրիչ՝ անհայտ, ստացող՝ Հովհաննես եպիսկոպոս, Մատ 6378, Թերթ՝ 594, թուղթ, չափ՝ 26×18, գրութուն՝ երկսյուն, գիր՝ բոլորգիր, կազմ՝ կաշեպատ տախտակ (դրոշմազարդ):

Ձեռագրում բացակայում է գլխավոր հիշատակարանը, որի տվյալների հիման վրա, հետագա ստացող, Գողթնաց եպիսկոպոս հայատուրը 1663 թ. թողել է մի ծանոթագրություն, մատանի գրչության տարբերի, տեոհ, ինչպես նաև ստացողի վերաբերյալ<sup>67</sup>: Ձեռագիրը հարուստ է նկարազարդումներով: Այն ունի 15 մանրանկար, որոնց շարքում, ավետարանական տեսարաններից բացի, օգտագործված են հետևյալ թեմաները՝ Քրիստոսի ծննդաբանությունը (էջ 3բ), Հագորդությունը (էջ 163ա) և Եղեկիելի տեսիլքը (էջ 500բ): Ձեռագիրը հարուստ է սրբոց և մարգարեների պատկերող լուսանցազարդ մանրանկարներով: Այն աչքի է ընկնում անվանաթերթերի ձևավորմամբ, գլխազարդերի և լուսանցազարդերի կատարմամբ:

32. 1482 թ., Ավետարան, Կտուց, գրիչ՝ հայատուր արեղա, ստացող՝ Խոջա Իդիլչի, Նոր Զուղայի Ամենափրկիչ վանքի թանգարան 479 (71)<sup>68</sup>, Թերթ՝ 290, թուղթ, չափ՝ 26,8×17,9, գրութուն՝ երկսյուն, գիր՝ բոլորգիր, կազմ՝ կաշեպատ տախտակ:

Ըստ Ս. Տեր-Ավետիսյանի որոշակի. ձեռագրի մանրանկարները գտնվում են 3բ—11բ էջերի վրա: Նկարազարդումներին հաջորդում է միան Քրիստոսի Երկրորդ գալուստը, ուր խաչի երկու կողմերում պատկերված են պատվիրատու-

<sup>65</sup> Ն. Պողարյան. Մայր ցուցակ ձեռագրաց սրբոց Յակոբեանց. հ. 10, Երուսաղեմ, 1990, էջ 348—350:

<sup>66</sup> Ս. Տեր-Ներսեսյան. Մինաս նկարող և իր ծաղկած նկարները, Ն. Պողարյան. Վսեմ Տիրա Գալուստ Գյուլբենկյանի թանկագին մեկ նվերը: J. J. Tikkanen, Tre armenska miniatvrhandskrifter, №. 2. 17, 19, 28, 55, A. Tchobanian. La Roseraie d'Arménie, t. II, Paris, 1923, p. 237.

<sup>67</sup> ԺԺ դարի հայերեն ձեռագրերի հիշատակարաններ. մաս Բ, էջ 421:

<sup>68</sup> Ս. Տեր-Ավետիսյան. Ցուցակ հայերեն ձեռագրաց Նոր Զուղայի Ամենափրկիչ վանքի, էջ 106—107:

ները (էջ 11բ): Ձեռագիրն ունի 4 ավետարանիչների դիմանկարներ և լուսանցազարդ մանրանկարներ: Մինասի ստորագրությունը գտնվում է մանրանկարներից մեկի տակ (էջ 3բ)՝ «ՁՄինաս նկարազու լիշեցէք ի Քրիստոս եւ լի բերանով Աստուած ողորմի ասացէք»:

33. 1482 թ., Ճառնտիր, Կտուց անապատ, գրիչ և ստացող՝ Հովհաննես քահանա, Մատ 4869: Թերթ՝ 669, թուղթ, չափ՝ 32×20, գրություն՝ երկսյուն, գիր՝ բոլորգիր, կազմ՝ կաշեպատ տախտակ (գրողմագարգ):

Ձեռագիրն ունի 2 մանրանկար՝ Մնունդ (էջ 128բ) և Հարություն (էջ 653բ): Երկու մանրանկարներն էլ կրում են Մինասի ստորագրությունը:

34. 1483 թ., Ավետարան, Կտուց, գրիչ և ստացող՝ Հովհաննես քահանա, Մատ 6879: Թերթ՝ 366, թուղթ, չափ՝ 17,4×12,1, գրություն՝ երկսյուն, գիր՝ բոլորգիր, կազմ՝ կաշեպատ տախտակ:

Ինչպես նախորդ ձեռագրում, գրիչը և ստացողը նույն Հովհաննես քահանան է, Մուրադի և Մարգարիտի որդին: Իր և ծնողների դիմանկարները պատկերված են մանրանկարներից մեկում (էջ 11ա): 17 պատկերից բաղկացած տերունական շարքը բացում է Խաչակի դոհաքերությունը (էջ 3բ): Ձեռագիրն ունի 4 ավետարանիչների դիմանկարներ, խորաններ և լուսանցազարդեր: Այս Ավետարանը Մինասի թվագրված ձեռագրերից վերջինն է:

35. Ավետարան, Ղայսարիա (1303 թ.), գրիչ՝ Կոստանդիլ (1303 թ.), նկարազարդման ժամանակը և վայրը հայտնի չեն, նոր Ջուղայի Ամենափրկի վանքի թանգարան 26 (36)<sup>69</sup>: Թերթ՝ 319, թուղթ, չափ՝ 26×17,5, գրություն՝ երկսյուն, գիր՝ բոլորգիր, կազմ՝ կաշեպատ տախտակ (գրողմագարգ):

Նկարչի ստորագրությունը գտնվում է 14բ էջի վրա, Քրիստոսի երկրորդ Գալուստր պատկերի տակ: Խաչի կողքին պատկերված են ձեռագրի ստացողները և իրենց զավակները<sup>70</sup>: Ձեռագիրը պարունակում է ավետարանական շարքի 15 մանրանկար, 4 ավետարանիչների դիմանկարներ, խորաններ և լուսանցազարդեր:

36. Ճաշոցի մաս, գրություն ժամանակը և վայրը հայտնի չեն, գրիչ՝ Թովմա Մեծոփեցի, աշակերտ Թովմա Մեծոփեցու, Մատ 6501: Թերթ՝ 131, թուղթ, գրություն՝ երկսյուն, գիր՝ բոլորգիր, կազմ՝ ստվարաթուղթ:

Ա. Մաթևոսյանը ապացուցում է, որ ձեռագիրը գրվել է Մեծոփավանքում 1415—1435 թթ.<sup>71</sup>: Գլխադարձերից և լուսանցազարդերից դատ, աչտեղ կա մեկ թեմատիկ մանրանկար՝ Հարություն (էջ 22բ), ուսի տակ և կարգում ենք Մինասի կարճ հիշատակությունը:

37. Ավետարան, գրություն ժամանակը և վայրը հայտնի չեն, գրիչ՝ Թովմա, Մատ 5519: Թերթ՝ 328, թուղթ, չափ՝ 27×18, գրություն՝ երկսյուն, գիր՝ բոլորգիր, կազմ՝ կաշեպատ տախտակ (գրողմագարգ) արծաթյա խաչերով:

Այն պարունակում է 16 թեմատիկ մանրանկար, 4 ավետարանիչների դիմանկարներ, խորաններ և լուսանցազարդեր: 13բ էջի վրա նկարիչը պատկերել է պատմիրատուներին և թողել է իր ստորագրությունը՝ «ՁՄինաս նկարողս ի Տէր լիշեալ եւ Աստուած ցձեղ լիշէ»:

38. Ավետարան, գրություն ժամանակը և վայրը հայտնի չեն, գրիչ՝ անհայտ, Քուրտյանի համաճառ հմտ. 49, աժմ գտնվում է Վենետիկի Մխիթարյան Մատենադարանում<sup>72</sup>: Թերթ՝ 266, թուղթ, չափ՝ 21×18, գրություն՝ երկսյուն, գիր՝ բոլորգիր, կազմ՝ կաշեպատ տախտակ արծաթի խաչով:

<sup>69</sup> Նույն տեղում, էջ 56—57:

<sup>70</sup> S. Der Nersessian, A. Mekhitarian, Miniatures armeniennes d'Ispahan, Bruxelles, 1986, p. 109, 193—194.

<sup>71</sup> Ա. Մաթևոսյան, Մեծոփավանքի գրություն կենտրոնը, էջ 98:

<sup>72</sup> Տե՛ս Ա. Սյուրմեյան, Մայր ցուցակ հայերեն ձեռագրաց հվրոպայի մասնավոր համարումներու հմտ. 10, էջ 14—15: Հ. Քյուրաջյան, Ցուցակ ձեռագրաց «Հ. Քյուրտյան հավատածոյ»-ի, «Բաղմավեպ», 1988, էջ 313:

Ձեռագրի հիշատակարանը չի սյահանվել, որի հետևանքով հայտնի չեն ձեռագրի ստեղծման տվյալները: Տերունական շարքը (հերթականությունը խախտված է հետագա վերանորոգման հետևանքով) բաղկացած է 13 մանրանկարից: Ձեռագիրն ունի ավետարանիչների պատկերներ և լուսանցազարդեր: Մինասի ստորագրությունը գտնվում է 1բ էջի վրա, Ավետման պատկերի տակ. «ՁՄինաս ծաղկալուզս լիշեցէր ի Քրիստոս»: Ձեռագրի որոշ մանրանկարներ վերատպված են<sup>78</sup>:

Այսպիսով կարելի է հետևել Մինասի ավելի քան 50 տարի շարունակվող գործունեությանը: 1432 և 1443 թթ. Մաշտոցներից բացի, ուր նա անվանված է «գպիր», Մինասը միշտ հիշատակվում է որպես «նկարող», «ծաղկող» կամ «նաղաչ», նաև «Տէր Մինաս» կամ «Մինաս կրոնավոր»: Իր բոլոր ձեռագրերը Մինասը նկարապարզել է Վանա լճի ավազանում՝ մեկը մյուսից ոչ հեռու տեղավորված վանքերում և րաղաքներում, և մեծ համբավ է ձեռք բերել Քաջբերունիքում և հարակից գավառներում: Մեզ հայտնի ձեռագրերի քանակը ինքնին խոսում է այն մասին, թե որքան մեծ է եղել իր արվեստի սյահանջարկը, իսկ նկարչի մասին թողած հիշատակադրությունները ներկայացնում են իրեն որպես «քաջ նկարող», «հեղահոգի», «բանիբուն և հոգիրնկայ», «եաթնարփեան շնարհաւըն ի լի»:

Դժվարին, իսկ հրեմն էլ դրամատիկ պայմաններում են ստեղծվել ձեռագրերից շատերը: XIV դարի վերջին և XV դարում Հայաստանը ենթարկվել է փանազան ցեղերի արշավանքներին և ասսյատակություններին: Չնայած քաղաքական փորձություններին, ծանր հարկային քաղաքականության, տնտեսական կյանքի խաթարման, մշակութային կյանքը վանքերում չէր ընդհատվում: Այստեղ հստակորեն արտացոլվում էր երկրի դժվարին հրավիճակը՝ վանականները երբեմն ստիպված էին թողնել վանքերը և փախչել այնտեղ, որտեղ ավելի հեշտ տանելով անավարտ ձեռագրեր, տառապում էին քաղցից ու ցրտից: Ընկալելով, այնուամենայնիվ, ստեղծագործական ոգու աշխուժություն էր տիրում Աղթամարի, Արճեշի, Արձկէի, Բերկրիի և Վասպուրականի մյուս գրչության կենտրոններում:

Մինասը Վասպուրականի ամենաարգասավոր մանրանկարիչներից մեկն է: Սակայն իր գործունեությունը հատկանշական է ոչ միայն դրանով, այլև այն փոփոխություններով, որ նա բերեց իր հետ: Իր մշակած սյատկերագրական համակարգը նոր փուլ հանդիսացավ Վասպուրականի XV—XVI դարերի ձեռագիր մատյանների նկարազարդման գործում: Լինելով վառ անհատականություն, նա աշակերտներ պատրաստեց և իր գեղարվեստական ոճը հետևորդներ ունեցավ: Կարապետ Աղթամարցին, Կարապետ Բերկրեցին, Մուրադ Սարկավագը, Կարապետ Բաղիշեցին և ուրիշ վարպետներ, այդ թվում և անհայտ, ընդունեցին և կիրառեցին նրա աշխատանքների սյատկերագրությունը և ոճը:

## ХУДОЖЕСТВЕННОЕ НАСЛЕДИЕ МИНИАТЮРИСТА МИНАСА

ЭДЛА ВАРДАНЯН

### Резюме

В истории Васпураканской миниатюры важным этапом является искусство XV века. Этот период связан с Ванской школой, искусство которой развивалось в монастырях и скрипториях, расположенных в бассейне озера Ван. Иллюстрирование рукописей в этих скрипториях отличается как от искусства предыдущего периода,

<sup>78</sup> Armenian Manuscripts. An Exhibition at the University of Kansas Library, p. 8, 9; O. Avedissian. Peintres et Sculpteurs Arméniens, p. 95.

так и от произведений современной Хизанской школы. Одним из выдающихся представителей Ванской школы является миниатюрист Минас. Будучи воспитанником Мецопаванка—важного культурного центра, скрипторня и учебного заведения по подготовке писцов, Минас получил специальное образование и считался профессиональным художником, что отражено в памятных записях рукописей и самого автора. В результате специального исследования творчества этого мастера нами выявлено 38 рукописей, проиллюстрированных им в течение 1432—1483 гг. В статье приводится перечень и краткое описание рукописей, находящихся в собраниях Матенадарана, Библиотеки армянского патриархата в Иерусалиме, Парижской национальной библиотеки, коллекции армянских рукописей в Новой Джульфе, а также в частных собраниях А. Кюрдяна и Ж. Поззи.